



এপ্রিল থেকেই বাড়ছে স্বল্প  
সঞ্চয় প্রকল্পে সুদের হার



আজ থেকে ফের শুরু দুয়ারে সরকার  
প্রকল্প, ২০ এপ্রিল পর্যন্ত বাংলাজুড়ে




ভিডিও ফাঁস ■ গেরুয়া বাহিনীর হাতে রিভলভার ও তরোয়াল

# হামলাকারী বিজেপি



## ছাড়ব না কাউকে

প্রতিবেদন : হাওড়ায় অশান্তির ঘটনা নিয়ে স্পষ্ট বাত দিলেন মুখ্যমন্ত্রী মমতা বন্দ্যোপাধ্যায়। বললেন, হামলা করেছে বিজেপি। এসবের মাস্টার মাইন্ড কারা জানি। প্রত্যেকের বিরুদ্ধে কড়া ব্যবস্থা হবে। কেউ ছাড় পাবে না। হাওড়ায় রামনবমীর মিছিলকে কেন্দ্র করে বিজেপির পরিকল্পিত চক্রান্তের কথা বলতে গিয়ে মুখ্যমন্ত্রী শুক্রবার একথা বলেন। মুখ্যমন্ত্রী বলেন, বিজেপির লক্ষ্য ছিল রামনবমীকে কেন্দ্র করে দেশের ১০০টি জায়গায় অশান্তি তৈরি করা। রমজান মাসের সময়ে পরিকল্পনা করে এই ঘটনা ঘটানো হয়েছে। বিজেপি, বজরং দল, হিন্দু মহাসভাকে কাঠগড়ায় তুলে মুখ্যমন্ত্রী বলেন, নাটের গুরুদের দিকে নজর রাখা হচ্ছে। আমরা হাতে চুড়ি পরে বসে নেই। যারা আক্রমণ করেছে সব ক্রিমিনাল। বজরং, হিন্দু মহাসভা এসব করেছে। কোনও শুভবুদ্ধিসম্পন্ন মানুষ এটা করতে পারে না। আপনারা আমার উপর আস্থা রাখুন। একজনও এই ঘটনায় ছাড় পাবে না। যারা ক্ষতিগ্রস্ত হয়েছেন, তাদের ক্ষতিপূরণ দেওয়া হবে। সরকার পাশে থাকবে। প্ররোচনায় পা দেবেন না। অশান্তির ঘটনায় জড়াবেন না। যারা জড়িত তাদেরকে রেয়াত করা হবে না। সকলকে গ্রেফতার করে আদালতে তোলা হবে। মুখ্যমন্ত্রীর হুঁশিয়ারি, কিছু নাটের গুরু আছে যারা টাকা দিয়ে এসব ঘটনা ঘটায়। সবকটাকে খুঁজে বের করব। যতই মামলা করুক আর হামলা করুক কোনও অজুহাত আমি শোনা হবে না। (এরপর ৬ পাতায়)



অ্যাকশন নেবই

হাওড়াকাণ্ডে কড়া হুঁশিয়ারি মুখ্যমন্ত্রীর

হাওড়ায় রামনবমীর মিছিলে অস্ত্র হাতে গেরুয়া তাণ্ডব

- অশান্তি তৈরির ছক করেছে মিছিলের রুট বদল
- মিছিল করতে পুলিশি অনুমতি নেওয়া হয়নি
- পুলিশের দেওয়া ৪টি গাইড লাইনই উপেক্ষা করা হয়
- দোষীদের আড়াল করতেই আদালতে যাওয়া হচ্ছে
- উসকানি ও প্ররোচনা দেওয়ায় গন্দারের গ্রেফতার চাই
- শুক্রবার রাত অবধি গ্রেফতার ৪৫



রিভলভার হাতে গেরুয়াগুণ্ডা। দেখালেন অভিযেক।

## স্বরাষ্ট্রমন্ত্রীর সঙ্গে বৈঠকের পরেই অনুমতি ছাড়া প্ররোচনার মিছিল

প্রতিবেদন : ২৭ তারিখ দিল্লিতে গদার শুভেন্দুর সঙ্গে কেন্দ্রীয় স্বরাষ্ট্রমন্ত্রীর বৈঠক, ২৯ তারিখ শ্যামবাজারের সভা থেকে গন্দারের উসকানি— এরপরই ৩০ তারিখ হাওড়ার শিবপুরে অনুমতি ছাড়া প্ররোচনার মিছিল থেকে বিজেপি-বিশ্ব হিন্দু পরিষদের তুমুল হাঙ্গামা-অশান্তি দেখল বাংলা সহ গোটা দেশ। এই ঘটনায় আবারও সামনে চলে এল বিজেপির ধর্মীয় মেরুকরণের সেই পুরনো রাজনীতি। এই ঘটনায় প্রকৃত দোষীদের অবিলম্বে গ্রেফতার করা উচিত। হাওড়ার শিবপুরের ঘটনার জন্য দায়ী অমিত শাহ-শুভেন্দু অধিকারী। সুপরিচালিত ভাবে বিজেপি এই হাঙ্গামা-অশান্তি ঘটিয়েছে। শুক্রবার বিকেলে সাংবাদিক সম্মেলন করে এই অভিযোগ করলেন তৃণমূল কংগ্রেসের সর্বভারতীয় সাধারণ সম্পাদক অভিষেক বন্দ্যোপাধ্যায়। ওদের ক্রনোলজি দেখে যা জেমেছি তাই বলছি। ওরা জ্যোতিষী নয়। তবে ক্রনোলজিটা একবার দেখে নিন। সাফ কথা অভিষেকের। এদিন তৃণমূল ভবনে চিডি মনিটর লাগিয়ে যে ভিডিওটি দেখান তাতে দেখা গেছে গেরুয়া পোশাক পরে বন্দুক-পিস্তল নিয়ে ডিজে বাজিয়ে উদ্দাম (এরপর ১১ পাতায়)



মডেল বাংলার সরকার। শিক্ষিত বেকারদের পাশে দাঁড়াতে এবার পশ্চিমবঙ্গ সরকারের মতো ছতিশগড় সরকারও দিচ্ছে ভাতা

### দিনের কবিতা

'জাগোবাংলা'য় শুরু হয়েছে নতুন সিরিজ— 'দিনের কবিতা'। মমতা বন্দ্যোপাধ্যায়ের কবিতাবিতান থেকে একেকদিন এক-একটি কবিতা নির্বাচন করে ছাপা হবে দিনের কবিতা। সমকালীন দিনে যার জন্ম, চিরদিনের জন্য যার যাত্রা, তাই আমাদের দিনের কবিতা।



### ঋতুবেলা

গ্রীষ্ম বেলায় জীবন সকালে  
বর্ষা বেলায় জীবন দুপুর,  
শরৎ বেলায় জীবন বিকাল  
হেমন্ত বেলায় জীবন সন্ধ্যা।  
শীতের রাতে জীবন ফুর-ফুর  
আর বসন্ত সূর্যে জীবন ভরপুর।

### সুজনের পরিবারের ১৪ চাকরি-তালিকা প্রকাশ্যে আসতেই ব্যাকফুটে সিপিএম

প্রতিবেদন : এবার কী বলবেন বামনোতা সুজন চক্রবর্তী! তাঁর পরিবারের কর্মপক্ষে ১৪ জনের চাকরি পাওয়ার তালিকা শোশ্যাল মিডিয়ায় ভাইরাল। যা নিয়ে ফের নিশানায় এই বামনোতা। শুরুটা হয়েছিল তাঁর স্ত্রী মিলি চক্রবর্তীর কলেজের চাকরির নিয়োগপত্র নিয়ে। তারপর সামনে আসে বাম জমানার মন্ত্রী সুভাষ চক্রবর্তী ও তাঁর সি-কে এক অনুগত কর্মরতের চাকরির জন্য লেখা চিরকুটের সুপারিশপত্র। সামনে আসার পর যা স্বীকারও করেন নেন সুজনবাবু। এবার সামনে এল আরও ভয়ঙ্কর তথ্য। সিপিএম জমানায় চাকরি পাওয়া সুজনের পরিবারের ১৪ জনের তালিকা এবার ঘুরছে হাতে হাতে। চমকে ওঠার মতো তালিকা। চাকরির তালিকায় কে নেই সুজনবাবুর পরিবারের। শ্যালক থেকে শ্যালিকা, ভাষার থেকে বোন— সবাই। যা দেখে নেটিজেনদের কটাক্ষ, এবার সুজন চক্রবর্তীর নাম পাণ্টে হোক চিরকুট চক্রবর্তী! সেই ভাইরাল তালিকা শোশ্যাল মিডিয়ায় পোস্ট করে তৃণমূলের রাজ্যের (এরপর ৬ পাতায়)